

AGENDRE TRINITATIS

MINGGU 05 Juli 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi fōna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 9**

9. BÖI TEBATO WANUNOGU

do = es 4/4

MM = 96 - 104

1. Böi tebato wanunogu, Lowalangi So ' aya.
 Fa ' auri ba si so khögu, ya oi sumange-Nia.
 Ha sambalö fa ' omasi, ba fa 'ebua dödö,
 mbuala Lowalangi, ba zamati sanau ' ölö.
 Lö faröi sa Zo ' aya, he adudu danöda.
2. No töra moroi khö nina, wendroro ononia,
 Wamaeri Yesu So' aya, ya' o tana khö-Nia.
 Me omasi Lowalangi, na auri göi ndra' odo.
 Andrö wa no Ikaoni, afu u' o' ö Keriso.
 Lö faröi sa Zo' aya, he adudu danöda.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452**Haleluya..... Haleluya..... Haleluya.....****SA** : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö

Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 199

199. NO ANEHE YEHOWA 1

do = c 4/4

MM = 96 - 104

1. No anehe Yehowa, ngawalö nilauda.
He lö la ' ila niha, i ' ila So ' aya.
2. Hadia zi tobini, to' ele dania.
Na lö fangesa dödü, ba tehuku ita.

4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **II Moze 20:1-17**

1. Ba iwa'ö daroma li andrö fefu Yehowa, imane:
2. Ya'odo Yehowa Lowalangi, si no mangeheta ya'ugö ba danö Miserayi andrö, ba zi no möi sawuyu ami.
3. Böi so khömö Lowalangi tánö bö'ö, baero ndra'o.
4. Böi fazökhi khöu nadu, ba he famaedo hadia ia, he si so si yawa ba mbanua, ba he si so si tou ba guli danö, ba he si so ba nidanö, barö danö.
5. Böi angalulu khönia ba böi fosumange ia, me no Lowalangi solohu ndra'o, ya'odo andre, Yehowa, Lowalangi, sanguhuku horö ndra ama ba ndraono ba ba ma'uwu mitou, khöra si fatiu tödü khögu,
6. ba si hakhösi tödü sangomasi'ö ya'o ba solo'ö oroisagu; irugi hönö nga'ötö.
7. Böi tötoi döi Lowalangi Yehowa ba waya; lö'ö sa zi lö ihuku Yehowa zanötöi töinia ba waya.
8. Ame'egö tödü luu wolombase andrö, ba we'amoni'ö ya'ia.
9. Önö ngaluo mohalöwö ndra'ugö ba öhalö halöwöu fefu.
10. Ba ero fitu bongi, ba luu wolombase khö Lowalangi Yehowa; böi babaya hadia ia halöwö ba da'ö, he ya'ugö, ba he onou matua, ba he onou alawe, ba he sangai halöwö khöu ira matua ba he sangai halöwö khöu ira alawe, ba he uriföu, ba he si fatewu khöu ba mbanuami bakha.
11. Önö ngaluo sa mege khö Yehowa, ba wamazökhi banua si yaw~a, awö danö, awö nasi, awö nösira fefu; ba ba luu si fitu, ba no molombase ia. Andrö wa no ifahawu'ö luu si fitu andrö Yehowa, ba no i'amoni'ö.
12. Fosumange namau, awö ninau, ena'ö anau nosou ba danö, nibe'e Lowalangi Yehowa khöu.
13. Böi ange'e.
14. Böi ohorö.
15. Böi anagö.
16. Böi böbögö khö nawöu zi lö duhu.
17. Böi isö nomo nawöu. Böi isö wo'omo nawöu ba he sangai halöw~ö khönia ira matua, ba he sangai halöwö khönia ira alawe, ba he ööröbaonia, ba he kudonia, ba he hadia ia, fefu, nibayabaya nawöu.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma höröma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma höröma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Utayaiögö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHÜO (AB)

: Da tafondrondrongo daroma Li Lowalangi, tehalö moroi ba zura Fama'ele'ö 7:9-17

9. Ba aefa da'ö, ba u'ila, ba hiza zato sibai, si tebai i'erai niha, moroi ba ngawalö soi fefu, ba moroi ba ngawalö niwa fefu, ba moroi ba ngawalö mado fefu, ba moroi ba ngawalö li fefu, si so föna dadaoma andrö ba föna Nono mbiribiri; nukha safusi nukhara, ba bulu nohi ba dangara.
10. Ba mu'ao ira, ebua lira, lamane: Fangorifi khö Lowalangida, sidadao ba dadaoma andrö, ba khö Nono mbiribiri andrö!
11. Ba no lafasui dadaoma andrö mala'ika andrö fefu, ba satua andrö, ba saliwaliwa ba danö andrö, si öfa nga'eu, ba latuhi danö föna dadaoma andrö, lafalögu tou ira, mangalulu ira khö Lowalangi,
12. lamane: Yaduhu, howuhowu, ba lakhömi, ba fa'atuatua, ba fangandrö saoha gölö, ba sumange, ba fa'abölö, ba fa'abe'e, khö Lowalangida, irugi zi lö aetu! Yaduhu.
13. Ba humede zatua andrö, samösa, imane khögu: Da'ö, si so baru safusi andrö, ha niha ira, ba heza la'otarai?
14. Ba umane khönia: Ya'ugö zangila, Tuha. Ba imane khögu: Ya'ira da'ö, si otarai wamakao sabölöbölö andrö; ba no lababago mbarura, ba no la'afusi'ö, ba ndro Nono mbiribiri andrö.
15. Da'ö mbörö, wa no so ira föna dadaoma Lowalangi andrö, awö wa no enoninia ira, bongi ma'ökhö, ba gosalinia; ba i'iaögö yawara sidadao ba dadaoma andrö.

16. Lõ'õ sa'ae olofo ira, ba lõ'õ sa'ae owõkhi dõdõra, ba lõ gõna ira sino, ba he fa'aukhu, hadia ia,

17. me ikubaloï sa'ae ira Ono mbiribiri andrõ, si so ba dalu dadaoma andrõ, ba ifasao ira ba gumbu nidanõ fangorifi, ba Lowalangi zolosi dania fefu dawa hõrõ ba hõrõra andrõ.

Ya'ahowu zamondrongo taroma li Lowalangi ba same'e ba dõdõ.

SA+SATO : Yaduhu

8. FASÖMBATA SA

Iada'e tebe'e khõda ginõtõ ba wolohe fasömbata si sambua ni'ofulu khõ Lowalangi. Nidõnia'õ Pendeta Pengkhotbah.

Iada'e tebe'e khõda ginõtõ ba wolohe fasömbata khõ Lowalangi. Ta'osamuzaigõ wame'e, he fasömbata si fõfõna, ba simanõ göi zi mendrua awõ zi medõlu. Ba si fõfõna ua da tafondrondrongo Li Lowalangi me imane:

❖ Same'e sumange fangandrõ saohagölõ, da'õ zamolakhõmi Ya'odo, ba zi lõ sinegu ba mbuabuania U'oroma'õ wangorifi andrõ khõ Lowalangi.

SA : Tafa'ema wasömbata khõ Lowalangi, manunõ ita moroi ba Mbuku Zinunõ **Numero 290**

290. DOZI SO WEHULU DÖDÖ BA NIHA

Lala : Hewisa Ita ba Hewisa Dödõ (No. 423)

do = c 4/4

MM = 76 - 84

1. Dozi so wehulu dödõ ba niha, wolohi ana 'a gulidanõ.
Larõrõ ira wangalui harera, ba lala elungua latõrõ.
Andrõ mu 'ao Yesu, Iwã'õ khõda: "Mi'aine khõ-Gu serege tõ dõ.
Ufa 'ema khõmi fefu wangefa, fangatulõ fangohahau dödõ."
2. Lakhõmi gulidanõ oi si taya, awõ fefu zoroma ba hõrõ.
Andrõ na tafakhõlõkhõlõ ita, oya sa zi möi fondroni dödõ.
He sökhi sa lakhõmi ni'aluida, ba hulõ mbowo mbunga sa'atõ.
Taya manõ si lõ mudõnadõna, andrõ tagohi zi lõ tebulõ.
3. Tasunosuno Lowalangi Ama, same'e buala fa'omasi.
No Ifatenge zi möi salahida, Yesu, Sangatulõ, Samohouni.
Sökhi, atulõ niwã'õ Zo'aya, I'ohẽ ita möi ba lakhõmi.
Tarõi zi taya, da ta'o'õ Ia, me no Ya'ia Razo Wa'auri.

Na no awai la'owuloi/lafa'ema wasömbata, ba owulo tanõ furi zangowuloi Fasömbata, lafendrongagõ wolohe fõna fasömbata, ba la'o'õ gofanõwa note zinunõ (irama lagu). Fatua lõ möi ira wolohe fõna, ba imane Sangai Agendre:)

"Da tafasao wasömbatada andre fõna Lowalangi,.....Muzizio ita fefu.....
Manunõ ita moroi ba Mbuku Zinunõ numero 261

261. YA'E ZUMANGE ¹

Ira'alawe □

1. Ya ' e zumange fasömbata, ma ' ohe sumange Yehowa.

Iramatua

- Reff* : Ma'andrõ khõ-U fahowu'õ zumange ni 'ohema khõ-Mõ
2. Ya'e zumange fasömbata mabe'e soroi ba dödõma.
Reff : Ma'andrõ khõ-U
 3. Ya'e zumange fasömbata buala si'otarai Nama.
Reff : Ma'andrõ khõ-U
 4. Ya'e zumange fasömbata, boto, noso, ba fa'aurima
Reff : Ma'andrõ khõ-U
 5. Ya'e zumange fasömbata, lõ irugi zomasi dödõ-U.
Reff : Ma'andrõ khõ-U

6. Ya'e zumange fasömbata, ma'aoghasi gölö Zo'aya.
Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

8. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:
 Koor ba Vokal Group
 a. Koor Jemaat
 b. Kegjata Komisi Perempuan
 c. Kegjata sektor 1
 d.

9. MANUNÖ

- SA** : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUAO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
 a. Fombaso taroma Li Lowalangi *Zakharia / Zakharia 8:20-23 (Tuho Migu:Fangorifi ba Niha Fefu Soi / Keselamatan Bagi Bangsa-Bangsa)*
 b. Fanuriaigö
 c. Nitanö ba dödö. *Fama'ele'ö / Wahyu 7:16 (Lö'ö sa'ae olofo ira, ba lö'ö sa'ae owökhö dödöra, ba lö göna ira sino, ba he fa'aukhu, hadia ia, / Mereka tidak akan menderita lapar dan dahaga lagi, dan matahari atau panas terik tidak akan menimpa mereka lagi.)*
 d. Fangandrö Fanga'aro'ö huhuo

- SATO** : Manunö : BZ. Numero 154 : 1

154. NO MAFONDRONDRONGO LIU²

1. No mafondrondrongo li-U, Lowalangi So ' aya.
 Tanö ba dödöma ia, fa böi olifuga.
 Fahowu 'ö ia khöma, ena ' ö ohahau dödöma fefu.
 Heta ba dödö zi lö sökhi, ma'o ' ö niwa 'ö-U.

11. TUHO WAMATI

- SA** : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 ❖ Ya'o mamati Khö Yesu Keriso, So'aya ya'ita, Ono Lowalangi si ha samösa,

nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.

- ❖ Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ
SA : Manunö ita moroi ba Mbuku Zinunö **numero: 479 ayati 1-2**

479. NIHA SABE' E TÖDÖ

Lala : Alai Niha Sagabe' e Tödö (No. 476)

do = d 4/4

MM = 96 - 104

1. Alai niha sagabe ' e tödö, lö fa-ma ' anö ba wamaondragö. Inötö wogaoni Zangatulö, hulö we' aso zanagö.
2. Alai dödö kara si tandrofö, sarörö ba nösi gulidanö. Lawai si sökhi zi lö atulö, alömö ba namö horö.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : FAMATENGE + HOWUHOWU :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **479 ayati 3**

479. NIHA SABE' E TÖDÖ

Lala : Alai Niha Sagabe' e Tödö (No. 476)

do = d 4/4

MM = 96 - 104

3. Ikaoni Yesu zarörö tödö, Idönisi ba lala satulö. Enaö so khöra wangesa dödö, falukha wangefa horö.

SH : YA'AHOWU

SATO : YA'AHOWU